

ապական վշտաց, քանի՞ արդեօք միաբան եղբայրութիւն  
 ձեր, զոր աչօք տեսանէք զխեղճ և զողորմելի կեանս ձեր,  
 և թէպէտ 'ի վերայ այսր ցաւոց յաւելաք և զցաւ ելանելոյ  
 Ս. Հօր ձեր և մեր եղբօր յԱթոռոյն, սակայն մի բերիցէք  
 'ի միտս ձեր մնալ իբր որբ առանց Պատրիարքի, զի գալ նո-  
 րին ոչ է հրաժարիլ յիշխանութենէ, այլ խորհիլ ընդ ազգին  
 զկարեւորսն եւ զբարին տնօրինել: Որպէս պատահեալ է  
 առաջին Պատրիարքաց, զի յաղաղակել նոցա առ ազգն,  
 արձակեցան 'ի լծոյ տառապանաց: Մի լիցի ոմանց միա-  
 բանաց զայլ և այլ խորհուրդս ածել զմտաւ, և տալ մը-  
 տացածին մեկնութիւնս տնօրէնութեան և կամաց ազգին,  
 և կամ չյօժարիլ գալստեան նորին, զի վերջինն չար լինի  
 քան զառաջինն, և ազգն այնուհետեւ չյիշէ զանուն Աթո-  
 ռոյն, և յետս կասի 'ի գործոց և յօգտակար տնօրէնութենէ  
 նորին: Որք ցանկացողքդ էք շինութեան եւ պայծառու-  
 թեան Աթոռոյդ. ուրեմն խնդրեմք սիրով եւ քաղցրու-  
 թեամբ ճանապարհորդ առնել զՍրբազանն ըստ հրամանի  
 Տէրութեան և Ազգին, եւ դուք կանխել արթնութեամբ  
 'ի պաշտօն Աթոռոյն, և անլուծանելի սիրով միանալ ընդ  
 ազգընտիր Խորհրդականս, որք հարկադրեալ են զամենայն  
 կառավարութիւնս բարւոք դնել 'ի գործ ըստ ազգային կա-  
 նոնադրութեանց, և հպատակ կալ նոցին սիրով և յօժարու-  
 թեամբ, որոց և ձեզ միանգամայն յետ սակաւ աւուրց ու-  
 նին առաքել առ ձեզ զնախկին Պատրիարք Պօղոս և ձերու-  
 նազարդ Մարկոս Արք եպիսկոպոսունս 'ի Ս. Աթոռն մխի-  
 թարել զձեզ մինչեւ դարձցի առ ձեզ հովիւն ձեր, (1824.  
 'ի 23 Յունիսի):

Գրեաց եւ առ Խորհրդականս քաջալեր բանիւք արիա-  
 նալ և զօրանալ ընդդէմ՝ դառնութեան ժամանակին, եւ  
 իբրեւ բազմավաստակ հոգեւոր մշակս գործել յայգի  
 Տեառն զօրութեանց. սպա յայտ առնէ նոցա զտնօրէնու-  
 թիւն ազգին, տանել Արքունի հրովարտակաւ զԳարբիէլ  
 Պատրիարք 'ի Կոստանդինուպօլիս. զի և ինքեանք սիրով  
 եւ խաղաղութեամբ ճանապարհորդեցեն զնա, և իոյթ  
 կալցին զի մի ծագեցցի գժտութիւն եւ վրդովումն ինչ,  
 որպէս եւ 'գրեալ էր առ նոյն ինքն Գարբիէլ աներկմիտ  
 խնդութեամբ ելանել 'ի քաղաքէն, և յանձնել Խորհրդա-